



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Syracvsano Episcopo & Abbati de Sambucino.

**urn:nbn:de:hbz:466:1-20006**

SYRACUSANO EPISCOPO  
& Abbati de Sambucino.

Epist. 508.  
De subsidio  
terre sanctæ.  
Vide supra epist.  
518.

**D**E vestra discretione ac sinceritate consili, etsi negotium laboriosum, meritorium tamen, & (sicut credimus) vobis propter Christum acceptum duximus committendum, sperantes quod illud tanto libentiùs impleatis, quanto per ipsum (ut sic loquamur) & restitutio Iesu Christi exulis & communis Christiani populi utilitas ampliùs procuratur. Vos autem mandati apost. tenore suscepto, nec parcentes laboribus, nec expensis, proposuistis populis Siciliae causam Christi. Nec fuit labor vester inanis; cum & multi de manibus vestris susceperint signum crucis, & plures tam in victualibus quam aliis parati sint pro necessitatibus signatorum congruentia subsidia destinare. Verùm (sicut ex literis quas tu, fili Abbas, ad sedem apostolicam destinasti, didicimus) hi circa subsidium terræ orientalis negligentiores existunt, qui subditos sibi populos ad id deberent exemplo & exhortationibus invitare, & liberalitas laicorum, quos ad succursum terræ orientalis mandavimus simpliciter commoneri, eos in devotione præcedit quibusdã districtè præcipimus, certam pœnam eorum negligentiae comminantes. Non enim (sicut per eandem accepimus) Archiepiscopi & Episcopi redditus suos ab aliis sustinent æstimari, nec ipsi eos aliquatenus taxant, ne secundum proprias facultates necessitatibus Hierosolymitanæ provinciæ juxta tenorem literarum nostrarum cõgruentia destinare subsidia jubeantur. Scripsisti etiam quod de consilio religiosorum virorum procedit ut in Missa singulis diebus in singulis Ecclesiis pro peregrinis dicatur oratio specialis, & semel in hebdomada pro tribulatione Missa populo decantetur. Insuper, quod multilimina beati Iacobi Apostoli visitare se voverint, intimasti: qui præter oblationem altari beati Iacobi deputatam, quam illuc devotè transmittent, universas expensas itineris libenter impenderent, vel in stipendia signatorum, vel alias necessitates ultramarinæ provinciæ, dummodo à voto emissio auctoritate assolverentur; & quod de consilio procedit quorundam, ut redditus vacantium præbendarum in usum orientalis provinciæ convertantur usque ad biennium, adje-

cisti. salva Vicariis solita pensione, ne interim Ecclesia suo servitio defraudetur. Ut monachi præterea, & alij religiosi extra claustra vagantes, auctoritate nostra reducantur ad claustrum, & peculium, quod inventum fuerit apud eos, erogetur in stipendia signatorum, procedere dixisti de consilio non paucorum. Volentes igitur quod de subventionem terræ orientalis incepimus, quantum in nobis fuerit, Domino concedente complere, discretioni vestræ per ap. scripta mandamus quatenus tam Archiepiscopos & Episcopos, quam alios Ecclesiarum Prælatos, ut secundum proprias facultates terræ sanctæ iusta æstimatione subveniant, diligenter inducere procuratis. Quod si monitis vestris acquiescere fortè noluerint, vos ipsi per viros idoneos & discretos eorum faciatis redditus iusta æstimatione pensari; & nisi postmodum secundum facultates suas & discretionem vestram terræ orientali curaverint subvenire, per vestras nobis literas intimetis. Volumus autem ut per universam Siciliam singulis diebus in Missa pro peregrinis oratio Domino porrigatur, & semel in hebdomada pro tribulatione Missa publicè decantetur. Eos autem qui se visitaturos limina beati Iacobi devotè voverunt, si salva oblatione altaris reliquas expensas in signatorum voluerint subsidium erogare, dummodo laborem etiam redimant quem sustinerent in via, auctoritate nostra suffulti, ab eo quod voverant absolventis. Redditus verò præbendarum vacantium, si de assensu diocesani Episcopi & Clericorum illius Ecclesiæ, in qua præbenda vacaverit, processerit voluntate, ut usque ad biennium convertantur in subsidium terræ sanctæ, salvis Vicariorum stipendiis, sustinemus. Volumus nihilominus & mandamus ut monachos & alios religiosos extra claustra vagantes ad fratrum redire consortium, qui eos recipiant, salva ordinis disciplina, cogatis, & proprium quod inventum fuerit apud ipsos, nisi eis ex ea causa propter quam oporteat illud restitui forsân provenerit, in terræ orientalis subsidium convertatis; De his qui manus injecerint in Clericos temerè violentas, quia severitatem canonicam nolumus enervare, nihil aliud vobis ad præsens duximus concedendum, quam per priores vobis literas est concessum. Super capitulis autem pro qui-

Oo iij



bus inclytæ recordationis Conſtanciæ Imperatrici nos ſcribere poſtulaſtis, ipſa ſublata de medio votum veſtrum non potuimus adimplere. Datum Laterani Nonis Ianuarij.

SYRACUSANO EPISCOPO.

Epist. 509.  
Vt pullulantes  
hærefes extir-  
pare conetur.

**V**Ergente jam in ſenium ſeculo, & ſupercrescente malitia temporis, friget caritas, & in agro evangelici patriſfamilias zizania pullulant, & pollunt melleſes tritico rareſcente, ac vulpes parvulæ jam in aperto præſumunt vineam Domini demoliri. Ecce etenim hærefes antiquæ ſuſcitantur, ac innovatis veteribus, novi adveniuntur errores, & fidem catholicam pravi nituntur interpretes depravare; non ſe conformantes legi divinæ, ſed in favorem propriæ perversitatis doctrinam evangelicam, propheticam, & apoſtolicam pervertentes; ita ut noviffimi dies videantur inſtare, ſecundum Apoſtolum, qui in noviffimis diebus mente prophetica talia prævidens eventura, cum multa de hujusmodi prædiſſet, adjecit: *Quemadmodum autem Iannes & Mambres reſtiterunt Moſi, ita & hi reſſent veritati; homines corrupti mente, reprobi circa fidem.* Vtinam autem, ſicut ipſe ſubjunxit, non proficiant ultra, ſed inſipientia eorum, ſicut & illorum, fiat omnibus manifeſta. Aliud etiam inconſuetum ſpecialiter in Sicilia partibus dicitur evenire; cum hi qui olim ex abnegato gentilitatis errore ſacri baptiſmatis unda renati, fidem catholicam receperunt, nunc abeuntes retro, & ad vomitum redeuntes, priſtinis involvuntur erroribus, & Chriſtiana fidei, quam profeſſi fuerant, immo Chriſto potiùs adverſantur. Cum autem ad capiendas hujusmodi vulpes parvulas, ſpecies quidem habentes diverſas, ſed caudas adinvicem colligatas, quia de vanitate conveniunt in idipſum, Salomon nos inducat in Canticis canticorum, ne mutis canibus latrare non valentibus comparemur, aut deformitatem vineæ Domini Sabaoth, ad quam etſi in hora ferè undecima, ſumus tamen inter operarios, immo potiùs in operariorum magiſterio deputati, negligere videamur, vel ſub diſſimulatione tranſire, fraternitati tuæ per apoſtolica ſcripta mandamus atque præcipimus quatenus ob timorem Domini & reverentiam apoſtolicæ ſedis contra hæreticos, tanquam fi-

dei Chriſtiane zelator, aſſurgas, & ſi apud eos monitis obtinere non poteris ut redeant ad Eccleſiæ unitatem, ipſos, fautores, deſenſores, & receptatores eorum, pulſatis campanis, candelis accenſis, per totam dioceſim in qua fuerint, immo etiam per totam provinciam, ſingulis diebus dominicis & feſtivalibus excommunicatos publicè nuntiari facias, & bona eorum à Principibus publicari. Ad hæc, quia oblatum exigit, quod non exegerat offerendum, nec impune conceditur cuiquam à fide catholica reſilire, volumus, & ſub eadem tibi diſtinctione mandamus, ut eos qui poſt ſuſceptum ſanctificationis lavacrum redire ad ritus Sarracenicis præſumpſerunt, ut à ſuo revertantur errore, & catholicam fidem obſervent, frequenti ac diligenti exhortatione præmiſſa, & per teipſum quacunque poteris diſtinctione compellas, & compelli facias per Principes ſeculares. Datum ut ſuprà.

S. COLOCEN. ARCHIEPISCOPO  
V. Geurien. & D. Zagabrien.  
Episcopis.

**A**D noſtram noveritis audientiam perveniſſe quòd cum omnes communicantes in aliquo A. fratri cariffimi in Chriſto filij noſtri Vngarorum Regis illuſtris, qui ſcilicet vel literas ſibi dirigerent, aut ab eo reciperent deſtinatas, vel eidem aliquod conſilium vel auxilium exhiberent, vel ei in aliquo communicare præſumerent, de mandato bonæ memoriæ Celeſtini Papæ prædeceſſoris noſtri excommunicationis fuerint vinculo innodati, N. & A. poſt excommunicationem & inhibitionem apoſtolicam eidem communicare ſcienter, conſilium & auxilium impertiri, & divina præſumpſerunt etiam celebrare. Vnde propter hoc in Hydruntin. & Spalatin. Archiepiſcopos, quamvis & illi excommunicationi ſubjaceant, ab eodem loco remunerationis, contra juris ordinem in regiæ dignitatis præjudicium ſunt promoti. Quia verò tantæ præſumptionis audaciam in injuriam Dei & contemptum ſedis apoſtolicæ attentatam, impunitam relinquere non poſſumus nec debemus, fraternitati veſtræ per apoſtolica ſcripta diſtinctè præcipiendo mandamus quatenus ſuper præmiſſis inquirentes diligentius veritatem, ſi rem ita noveritis ſe habere, præſatos N. & A. co-

Epist. 510.  
Cassianus el-  
ctio Archiepi-  
scoporum Hy-  
druntin. & Spa-  
lat.